

**Porsche Leasing d.o.o.**  
**Trg međunarodnog prijateljstva br. 24**  
**71000 Sarajevo**

**Sarajevo, 06.04.2020. godine**  
**Broj: 154/20**

Uprava Društva na osnovu čl. 339. Zakona o privrednim društvima ("Sl. Novine FBiH", br. 81/2015), Odluke o privremenim mjerama koje lizing društva i mikrokreditne organizacije primjenjuju za ublažavanje nepovoljnih ekonomskih posljedica uzrokovanih pojavom virusnog oboljenja „COVID-19“ („Sl. Novine FBiH“, br. 22/2020) i čl. 35 Statuta Društva dana 06.04.2020. godine objavljuje sljedeću:

**PONUĐU**  
**za produženje roka dospijea obaveze na 90 dana od momenta prometa usluge iz**  
**zaključenih ugovora o operativnom lizingu**

PORSCHE LEASING D.O.O. ovom Ponudom pruža mogućnost određenim svojim korisnicima usluge operativnog lizinga (fizičkim i pravnim licima) da, uz ostvarenje uslova iz ove Ponude, u cilju ublažavanja negativnih ekonomskih posljedica uzrokovanih epidemijom virusnog oboljenja „COVID-19“, koriste produženi rok dospijea obaveza po osnovu mjesečne naknade za korištenje vozila i drugih ugovoreni naknada po ugovoru o operativnom lizingu od 90 dana za obaveze koje dospijevaju u naredna tri mjeseca od objave ove Ponude.

Davalac lizinga će vršiti analizu kreditnog rizika koji se odnosi na Korisnike lizinga koji izvrše prihvatanje Ponude, te ukoliko procjeni da je primjena produženja roka dospijea obaveze opravdana i da su ispunjeni uslovi za odobravanje ove mjere, o tome će obavjestiti Korisnika lizinga od kog momenta počinje primjena ove mjere. Davalac lizinga zadržava pravo da od Korisnika lizinga zatraži dodatne informacije i dokumentaciju u cilju procjene opravdanosti mjere.

U slučaju da korisnik leasinga ima neplaćenih obaveza koje su dospjele prije proglašenja stanja prirodne i druge nesreće na teritoriji Bosne i Hercegovine, Društvo će korisniku na njegov zahtjev za ove već dospjele obaveze odobriti moratorij do ukidanja ovog stanja u cilju sprovođenja pregovora o zaključenju Sporazuma o plaćanju dospjelih obaveza kojim će se utvrditi primjereni modalitet izmirenja ovih obaveza.

Naglašavamo da ova Ponuda ima pravno dejstvo samo pod uslovom da se na osnovu informacija dostavljenih od strane Korisnika lizinga procjeni da je kreditna sposobnost Korisnika lizinga pogoršana, odnosno da su izvori Korisnika lizinga za otplatu smanjeni i time je onemogućeno ili će biti onemogućeno izmirivanje obaveza Davaocu lizinga, a ukoliko je to posljedica negativnog uticaja epidemije virusnog oboljenja „COVID-19“.

Korisnik lizinga je oslobođen bilo kakvih dodatnih troškova povodom prihvatanja ove Ponude.

Obavještenje o prihvatanju Ponude koje Korisnik lizinga šalje na e-mail adresu [info@porscheleasing.ba](mailto:info@porscheleasing.ba) sadrži:

- Podatke o Korisniku lizinga (ime i prezime / naziv)
- Broj ugovora o operativnom lizingu za koji se prihvata mjera produženja roka dospjeća obaveza
- Obrazloženje pogoršane kreditne situacije Korisnika lizinga

Ponuda se smatra dostavljenom svim Korisnicima lizinga danom objave na internet stranici Društva (06.04.2020. godine) ili danom dostave Korisniku lizinga na njegovu mail adresu.

Ukoliko Korisnik lizinga želi da iskoristi pravo iz stava 1, dužan je da elektronskim putem na e-mail adresu [info@porscheleasing.ba](mailto:info@porscheleasing.ba) Društvu dostavi obavještenje da prihvata Ponudu, odnosno izuzetno i pisanim putem na adresu sjedišta Društva ako nije u mogućnosti da to učini elektronskim putem. Prihvat Ponude elektronskim putem privremenog je karaktera, te je Korisnik lizinga u obavezi da u momentu sticanja uslova, nakon prestanka epidemije, pristupi u prostorije Davaoca lizinga radi zaključivanja aneksa ugovora o operativnom lizingu.

Prilog ove Ponude predstavlja i reprezentativni primjer koji daje više informacija o praktičnoj primjeni mjera u skladu sa Odlukom Agencije za bankarstvo FBiH.

Ukoliko imate bilo kakvih pitanja, kontaktirajte nas: [info@porscheleasing.ba](mailto:info@porscheleasing.ba).

*Za Porsche Leasing d.o.o.*

*Uprava Društva*